



经典 MIX 新派 超够粤味!

“食在广州”从来唔係浪得虚名! 今期, 我哋 Color 嘅美食鉴赏官“味成年阿辉”, 带大家逛遍广州城中4区, 尝最有粤味嘅食肆, 经典老店、新派食堂, 粥粉面饭、煎炒炸样样俱全, 梗有一味啱你心水!

王舜文 味成年阿辉团队/图

原汁原味牛腩“宴”

陈小青开嘅“七爷清汤腩”, 座位宽落, 装修以“橙、绿”搭配为主, 十分醒目。呢度嘅牛腩用嘅是爽腩, 即广东人经常讲嘅牛白腩, 连住一块薄薄嘅筋膜, 吃起来爽脆弹牙。而为咗最大限度嘅保留牛白腩原本嘅风味, 七爷用嘅係清汤嘅做法, 淡淡嘅胡椒香味, 现时天冻, 啱好可以暖暖胃。为咗保持同牛白腩一致嘅口感, 面条都用咗广东人常见嘅“碱水面”, 筋道十足。另外牛腩、金钱肚好爽口! 值得一提嘅係, 碗底嘅萝卜, 每一口都係独有嘅清甜, 千祈唔走宝!

七爷清汤腩
地址: 天河区猎德大道2号西浦大街1-13幢
营业时间: 10:30-22:00

经典返寻味

伊面之光

一入门口就已经感受到年代感气息扑面而来, 半开放式厨房、油炸过嘅鸡蛋伊面、点单阿姨撕落嘅嗲张手撕小票, 十几年都有变过。坚记面店嘅明星产品——伊面, 又称“伊府面”, 係一种经过油炸塑形嘅鸡蛋面, 非常适合干拌, 有点似而家嘅即食面。牛腩捞长寿伊面係呢度嘅招牌, 大块嘅牛腩为咗方便食客食用, 事先经过长时间嘅高温炖煮, 入口即化。而炸酱面就整体偏甜, 有淡淡嘅陈皮甘甜, 用嘅係全蛋面, 少咗碱水面嘅筋道, 反而多咗一丝细水长流嘅软糯, 一样令人食到停唔到口。

坚记面店
地址: 荔湾区长寿东路303号
营业时间: 06:30-20:00



新派有惊喜



港式粤菜“镬上门”

无论係装修风格, 定係菜牌设计, “等我镬上门”都充满浓浓港式风情! 菜品方面, 一定要试下辉哥特别推荐嘅“椒盐粟米”: 粟米经过高温烘烤后, 馥郁嘅椒盐香气中, 渗透住淡淡嘅粟米甜香, 每一啖都係香味对口腔与鼻腔嘅双重暴击。仲要虾头有半只手掌咁大嘅奶油大头虾, 肉质弹牙鲜美, 最紧要係每只虾头入边都有金黄色嘅虾膏! 试过上面两款“上火”菜式, 一定要点份“捞起生肠”: 入口冰冰凉凉, 啱好缓解了舌头嘅热辣, 仲有厚实嘅生肠口感令人欲罢不能!

等我镬上门(天河南店)
地址: 天河区天河南二路19-21号宏发大厦一楼13-1
营业时间: 11:30-14:00; 17:00-次日01:00

食鸡最正斗

老字号嘅老饭堂, 坐落于华贵路边, 如果你想嘅係热闹明亮嘅环境, 松软嘅座椅, 呢家店可能满足唔到。老细作为地道嘅广州人, 待客热情友善, 店入边嘅服务员都好随和。叫得老饭堂, 性价比便係有得顶, 半只本地鸡只要45蚊, 盐焗、白切、手撕任君选择! 老板仲话, 以前嘅人很穷, 因此每一分嘅食材都不想浪费, 每次见到人哋买鸡都剩咗很多鸡杂, 于是就有咗经典菜式菜心炒鸡杂! 唔好小睇呢道菜, 菜心同鸡杂都要炒得爽口有锅气! 至于地道粤菜五柳炸蛋, 就唔洗过多介绍啦, 相信大家都会食过啦, 炸鸡蛋加酸甜酱, 酸甜开胃!

醉贤居
地址: 荔湾区华贵路12号
营业时间: 11:00-14:00; 17:00-20:30



东山口

无限回味嘅童年

东山口嘅红砖小洋楼, 隐藏着满载童年回忆嘅玩具潮展。巴斯光年、哆啦A梦……陪伴你长大嘅“朋友”全部都嘅呢度, 唔使惊“整亲”佢哋, 因为老板话, 零距离接触係为咗还原“玩具”最纯粹嘅本质。好彩嘅话, 会遇到潮流艺术家嘅艺廊展, 无限可能性值得期待。门外庭院左边就係OHO COFFEE, 定期更新嘅咖啡豆、独树一帜嘅出品令人不断有惊喜!

Xpool Space x OHO COFFEE
地址: 越秀区均益路5号
营业时间: 周一至周四 10:00-18:30
周五至周日 10:00-19:00



风流外表深沉学者

逸园係广州武打侨园之一, 1922年由旅美华侨马灼文建造, 依家係一个文物保护单位。但就好似一位文静又深沉嘅学者咁, 向世人低调“炫耀”自己过去嘅风流。逸园内部被打造成一个艺术展厅, 定期有唔同艺术家嘅展览, 室内保留咗原本古朴有韵味嘅设计, 新潮展品同对称规律嘅老花地砖, 衬埋一啲都唔违和, 啱晒潮玩文艺朋友得闲过嚟打卡!

逸园
地址: 越秀区恤孤院路9号
营业时间: 周一至周五 11:00-18:00
周六至周日 11:00-20:00



潮不设限 玩乐叹靓店

众所周知, 广州有好多新潮好玩嘅地方可以打卡, 唔少靓店都会令大家玩到流连忘返。趁住周末同就嚟新年假期, Color 同你一起睇睇近在眼前嘅好地方。你仲未去过? 快啲搵个时间, 约埋三五好友一起去潮叹生活啦!

郭玮/文 Color团队/图

日出日落双面伊人

藏在静谧民国小洋楼中的“Wilber's 日啡”白天係 café, 为顾客提供季节限定嘅创意咖啡同特调饮品, 安抚住每颗躁动的心; 各式甜点小食好有心思, 同店主嘅藏品一样细细品尝会发现个中惊喜; 日落之后呢度就会摇身一变成为无国界西餐厅, 吧台成为酒吧, 方便大家感受微醺时刻。绿植环绕嘅外墙同复式顶层嘅小露台, 好似一片闹市中心嘅安静绿洲咁, 迎接每日想忘记烦恼, 享受片刻宁静嘅打工仔。

Wilber's 日啡
地址: 越秀区竹丝岗二马路62号(近农林下路)
营业时间: 周二至周日 11:00-24:00



独一无二嘅香气

“白鸟之歌”係集香气、咖啡、艺术同诗歌于一体嘅小众概念香水店。香水区陈列咗琳琅满目嘅小众香水, 和气味有关嘅美好呢度都有。除此之外, 咖啡分区 & 艺术展示区都係唔少顾客流连打卡嘅地方。庭院弥漫咖啡豆浓郁嘅芬芳, 据说焦糖拿铁最受欢迎; 艺术展区不定时会仲有独立品牌、跨界艺术家等联合策展展。

白鸟之歌
地址: 越秀区恤孤院路2号(培正小学西门对面)
营业时间: 周一至周日 11:00-20:00

